



Broj:09-20-11-2-1798
Datum: 11.11.2020. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2020.godinu, zamjenik direktora Federalne uprave policije,
d o n o s i:

O D L U K U

o izboru najpovoljnijeg ponuđača za nabavku balističkih štitova LOT1

1. Na osnovu obavještenja o nabavci objavljenog u „Službenom glasniku BiH“, broj: 56/20 od 11.09.2020. godine proveden je pregovarački postupak sa objavom obavještenja o nabavci, u predmetu nabavke balističkih štitova.
2. Na predmetnu nabavku zaprimljene su tri ponude i to od ponuđača: KM TRADE d.o.o. Visoko, Čaršijska b.b., SHOT d.o.o. Zenica, Zmajevačka cesta 55c 72000 Zenica i Danial S d.o.o. Tešanj, Trg žrtava 3 augusta br. 1, 74 260 Tešanj.
3. Komisija je utvrdila da ponuda ponuđača Danial S d.o.o. Tešanj sa cijenom od 6.491,00 KM bez PDV-a, odnosno 7.594,47 KM sa PDV-om, a vodeći se kriterijima iz Tenderske dokumentacije, u ekonomskom i tehničkom smislu u potpunosti zadovoljava zahtjeve ugovornog organa, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku nakon provedene e-aukcije od 10.11.2020. godine.
4. Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 1412-3-1-193-3-86/20 od 07.09.2020. godine.
5. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
7. Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2020. godinu, imenovana Rješenjem zamjenika direktora Federalne uprave policije, broj: 09-19/1-30-2-112 od 13.02.2020. godine, postupila je shodno obavještenju o nabavci koji je objavljen u „Službenom glasniku BiH“, broj: 56/20 od 11.09.2020. godine, po osnovu čega je proveden pregovarački postupak nabavke balističkih štitova. Procijenjena vrijednost nabavke za LOT 1 je 8.500,00 KM bez PDV-a.

Komisija je u toku postupka nabavke zaprimila zahtjeve za učešće u predmetnoj nabavci od ponuđača ABC Sporting d.o.o. Banja Luka, KM TRADE d.o.o. Visoko, SHOT d.o.o. Zenica i Danial S d.o.o. Tešanj. Komisija je dana 08.10.2020.godine uputila Pozive kvalifikovanim ponuđačima da dostave svoje početne ponude u predmetnoj nabavci. Komisija je uvidom u iste konstatovala da su pristigle tri početne ponude ponuđača KM TRADE d.o.o. Visoko, Danial S d.o.o. Tešanj i SHOT d.o.o. Zenica što je konstatovano u Zapisniku broj: 09-20-11-2-1798 od 20.10.2020. godine. Komisija je uvidom u iste konstatovala da ponuda ponuđača SHOT d.o.o. Zenica za LOT 1 ima određenih nejasnoća i da će se iste razjasniti u toku pregovora, a da su ponude ponuđača Danial S d.o.o. Tešanj i KM TRADE d.o.o. Visoko ocijenjena prihvatljivom. Pregovori sa ponuđačima obavljeni dana 21.10.2020.godine, i tom prilikom je ponuđač SHOT d.o.o. Zenica, obavješten da je u njegovoj ponudi u traženim karakteristikama ponudio sve što je traženo tenderskom dokumentacijom, dok je u dostavljenom katalogu na strani 45 predmetne ponude, nakon konvertovanja mjernih jedinica težine primijećeno odstupanje više od +/- 500 gr, te u dijelu dimenzije odstupanje se odnosi na visinu i širinu +/- 5mm u odnosu na tražene dimenzije balističkih štitova koje su tražene u tenderskoj dokumentaciji. Poziv za konačnu ponudu upućen je ponuđačima KM TRADE d.o.o. Visoko i Danial S d.o.o. Tešanj. Komisija za provođenje postupka nabavke na sastanku održanom 03.11.2020. godine, izvršila je analizu konačne ponude o čemu je sačinjen Zapisnik broj: 09-20-11-2-1798 od 03.11.2020. godine, a nakon provedene e-aukcije i izvještaja o toku i završetka iste broj: 1412-3-1-193/20 od 09.11.2020.godine i Zapisnika broj: 09-20-11-2-1798 od 10.10.2020.godine, konstatuje činjenično stanje i daje preporuku rukovodiocu organa da donese odluku o izboru najpovoljnijeg ponuđača za LOT 1 balistički štit nivooa zaštite III Danial S d.o.o. Tešanj sa cijenom od 6.491,00 KM bez PDV-a, odnosno 7.594,47 KM sa PDV-om, koja u ekonomskom i tehničkom smislu u potpunosti zadovoljava zahtjev ugovornog organa.

PRAVNA POUKA

Protiv ove Odluke može se izjaviti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o ocjeni konačne ponude;
- Zapisnik nakon provedene e-aukcije

Dostaviti:

- ponuđačima
- u spis

